



UPRAVA POLICIJE

Broj: 05-04/06-11-507/23/RS

Dana: 22.06.2023. god.

U skladu sa članom 100. stav (5) i članom 110. Zakona o javnim nabavkama BiH („Službeni glasnik BiH“, broj 39/14 i 59/22, te članom 26. i članom 27. stav (3) Zakona o unutrašnjim poslovima Unsko-sanskog kantona (“Službeni glasnik USK-a”, broj 13/16 i 16/17) u postupku javne nabavke roba – uredske opreme za potrebe Uprave policije MUP USK-a, načelnik Sektora kriminalističke policije Uprave policije Ministarstva unutrašnjih poslova Unsko-sanskog kantona Bihać d o n o s i:

ODLUKU
o odgađanju nastavka postupka javne nabavke

Član 1.

Odgđa se postupak javne nabavke roba – uredske opreme za potrebe ugovornog organa - Uprava policije MUP USK-a, proveden putem otvorenog postupka, Obavještenje o nabavci objavljeno na portalu Agencije za javne nabavke BiH pod brojem: 20936-1-1-31-3-33/23 od 16.06.2023. godine. Nastavak postupka javne nabavke odgađa se do momenta rješavanja žalbe potencijalnog ponuđača “FCT“ d.o.o. Banja Luka na tendersku dokumentaciju broj: 05-04/06-11-507/23/RS od 15.06.2023. godine.

Član 2.

Ova odluka stupa na snagu danom donošenja i bit će objavljena na Portalu javnih nabavki BiH i na web stranici Ugovornog organa: mupusk@mupusk.gov.ba.

O b r a z l o ž e n j e

Postupak javne nabavke roba – uredske opreme za potrebe Uprave policije MUP USK-a pokrenut je odlukom o pokretanju postupka javne nabavke broj: 05-04/06-11-507/23/RS od 23.05.2023. godine. Javna nabavka je provedena primjenom otvorenog postupka za dostavu ponuda. Kriterij za dodjelu ugovora je najniža cijena sa namjerom provođenja e-aukcije.

Nabavka je podijeljena na 5 (pet) LOT-ova i to:

LOT 1 – Desktop računari,

LOT 2 – Printeri laserski,

LOT 3 – Multifunkcijski uređaji

LOT 4 – Printer za pvc ID kartice i

LOT 5 – Eksterni hard diskovi, eksterno kućište za SSD i USB stickovi, Tragač kablova sa LAN testnim uređajem,

Ukupna procijenjena vrijednost javne nabavke bez PDV-a za sve LOT- ove iznosi 60.000,00 KM (slovima: šezdesethiljada i 00/100 KM).

Obavještenje o nabavci broj: 20936-1-1-31-3-33/23 objavljeno je dana 16.06.2023. godine na Portalu javnih nabavki zajedno sa tenderskom dokumentacijom.

Krajnji rok za prijem ponuda je 07.07.2023. godine do 09:00 sati.

Dana 21.06.2023. godine na protokol Ugovornog organa je zaprimljena žalba potencijalnog ponuđača „FCT“ d.o.o. Banja Luka, zastupanog po Željku Višiću, advokatu iz Banja Luke, izjavljena na tendersku dokumentaciju u kojoj, između ostalog, žalitelj navodi slijedeće:

„Žalbeni navod odnosi se na tačku 4.3.4. tenderske dokumentacij, gdje je ugovorni organ propisao da je ponuđač dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost.

Odredbama Zakona o javnim nabavkama i podzakonskih akata nije propisana obaveza ugovornog organa da dokumentaciju koja se odnosi na tehničku i profesionalnu sposobnost zahtijeva u originalu ili ovjerenom

kopiji, te je ovakvo postupanje ugovornog organa u suprotnosti sa članom 44. stav (2) ZJN kojim je propisano da ugovorni organ u tenderskoj dokumentaciji definiše uslove za kvalifikaciju na način da utvrdi minimum zahtjeva za kvalifikaciju kandidata/ponuđača u pogledu njihove lične sposobnosti, ekonomskog i finansijskog stanja, te njihove tehničke i/ili profesionalne sposobnosti i člana 53. ZJN kojim je propisano da je ugovorni organ dužan da pripremi tendersku dokumentaciju u skladu sa odredbama ovog zakona i podzakonskim aktima.“

Iz navedenih razloga, Ugovorni organ u skladu sa članom 100. stav (5) i članom 110. Zakona o javnim nabavkama BiH („Sl. glasnik BiH“, broj: 39/14 i 59/22), odgađa nastavak postupka javne nabavke, te kompletan spis predmeta po žalbi upućuje Uredu za razmatranje žalbi BiH na nadležno postupanje, do okončanja žalbenog postupka.

Shodno navedenom, a poštujući proceduru propisanu Zakonom o javnim nabavkama BiH, odlučeno je kao u članu 1. ove odluke.

Dostavljeno:

1. Sektor za mat. - fin. poslove i IKT – za objavu
2. a/a



NACELNIK SEKTORA
KRIMINALISTIČKE POLICIJE
samostalni inspektor

Jusuf Mešić